



愚公集卷第三

甲申六月廿一日兒輩攜尊張家荷亭用

孫係韻

水面風荷入座香此中舊隱是高陽

張氏外世並以酒德

聞於當花慢矢傷時口有酒先澆憤世腸幾處

豪門餘劫火百年遺館賸清涼輸他木榻蒲團

叟閉目冥心只面墻

時有玄門周槐伯跌坐一室客至不知也

哭陳歧仲二首

老屋三間傍水濱突無烟火甌生塵方書著就

難醫死星案抄來只算貧投老謾誇童子業孤

生強半外家人哭君最有傷心事乞得綈袍

掛身岐仲短褐不完今春忽思得綈衣

束髮嬉遊到白髭踽涼踪跡每相隨豈知寒食

招尋日便是黃泉訣別時茂苑鶯花成昔夢錢

唐風月負重期亂離今爾應知免一慟翻為後

死悲

程孟陽挽詞二首次夕公韵孟陽久居練川虞山之間

辛巳歲歸新安老焉

故鄉一去四回春此別那禁老淚頻方氏鑑湖

曾卜隱方干一云歛湖阮家南巷自忘貧新安程氏多富

白頭粉繪隨長夜青史才名有故人最憶酒闌

歌板歇清音無復嫋梁塵孟陽精音律歌者誤輒自按拍正之

相逢已恨各衰殘廿載心期共歲寒不以采葑

遺下體何曾滄海廢觀瀾長言和比瓊瑤貴隻

字評如袞鉞難孟陽有和余自敘排韵又生平不輕許可人每評詠拙詩獎借

當歎息斯人不可作秋風吹面月移闌

秋日示兩兒

天意終當殄寇凶紛紛臺閣滿夔龍 新朝功

令仍科目鄉里流傳任妄庸喚作狸奴應捕鼠

未離僧院且撞鐘秋光如許書窗好莫學樊須

問圃農

前韵再示

連遭歲儉又兵凶淺水池魚少化龍得雨從雲
時有待耽癡習懶爾何庸龍有癡二種浮生似秉將
殘燭世事如聞欲曙鐘却歎石田無所用枉拋
心力勸春農

錫山歸過訪霍庵病起兼訂出遊三疊韵

冒寒蹉跌勢兼凶客舫懷君到九龍乍見眉黃
知病已翻因肱續笑醫庸生公石畔中庭月堯
帝峰前古寺鐘辦取枯藤并蠟屐相將同作惰

耕農

頌酒

頌德稱功在簡篇此中真趣許誰傳嘗聞愛酒
同天地自咎嘉名號聖賢觚百宣尼寧及亂鍾
千帝德總無愆覆觴丞相還多事僕射昏昏正
醉眠

甲申生日二首

豆花成莢桂花香又是生辰過一場昏火眼憎
青鏡暗攢多眉負白毫長坂田耕石惟輸稅破
屋封塵尚索償弱女在懷孫學步借他欄綵戲

高堂

半百虛過稱意難每逢初度起長歎親因世變
催偕隱友爲銘旌勸入官富貴總如將曉夢年
華已是急流灘刈薪樵賣非吾事努力還加飯
一餐

奉和耐翁生日二首

龍惕

心戀蘭陔潔白香廿年林壑謝名場烏因反
哺頭先白鶴爲休糧喚更長尚子名山離亂
阻于公門戶子孫償秋風新月花前酒贏得
今宵醉北堂

百年迢遞滿應難五十初過未足歎三島路
遙緣有累五湖身散爲無官羅張衆鳥還投
食舟壞何人又赴灘榮辱折除君較得一家
歡讌勝堂餐

次韻酬夕公見和

一炷禪燈一瓣香周妻何肉且逢場樗材或可
逃斤斧襍線寧堪論短長小已甘丘壑置衰
頽猶作馬牛償他年耆老如相念遙寄新詩在
玉堂

衰盡知音行路難逢君一唱更三歎詞章自是

堪千古帖括終當博一官策馬要登參漢阪
船須上逆風灘憂天憫世高人意懲噎何容便
廢餐

城郭

城郭人民果是非鴟鴞何事尚南飛
東門逐丘首空煩故里歸老馬倒行忘日暮
衰莖餘露奈朝晞解嘲莫笑黃冠話從此虞山
曳履稀

滿江紅二闕弔長洲許琰

幹木枝金痛國運數當陽九細屈指紀年十七

聖明高厚銅馬妖氛驚殿闕煤山詔血濺妃后
恨纍纍降辱盡冠紳多禽獸茂苑地逋逃藪
青衿子生民秀把成仁取義寸心圖究君父深
讐寧共戴書生厲鬼期殲寇矢丹誠不爲感時
人皇天宥

捨地呼天急國難奔如狂疾準備下懸梁三尺
嘗懷襟袖白日周遭親友勸青燈圍繞妻孥守
正潛身道院好投繯黃冠救胥江上沈淵又
潞藩舫仍援手強歸來碎食嚙脣絕脰四字書
身同武穆

許君遍體書崇禎聖上四字

高風欲繼西山

古今殉節幾儒生真希覲

次韵和夕公秋日病懷三首

良宵三五近中秋乍遣微疴散百憂
芡粥梨漿勝酒盞嵩簧蛙鼓當歌喉
山中好客逢青眼鏡裡勳名看黑頭
準擬來年公道在定知端已不能休

已識浮名過眼花世間何物勝烏紗
失時氣色三分減得日精神一倍加
拖紫紆青休笑蛤登天八月却輸蟆
乘風破浪男兒事莫戀盈盈水一涯

中吳生長太平民南北烽烟隔戰塵
世事難論園吏菜人生誰憶掾曹尊
金飈旋喜揮殘暑玉曆行看發首春
強飲佳辰漫隱几碧天如海月如輪

和夕公八月十三夜玩月次韻

淺碧窗紗映蔚藍清光恰在小樓南
驚鳥遶樹枝方顛叢竹迎風葉自斃
屈指良宵猶數上八舉盃對影已成
三銀蟾玉兔還知否望雨枯苗正不堪

十四夜次韵

拚得眠遲起晏朝還將濁酒破清寥誰云一滿
須明夜難得晶瑩似此宵橋上玉簫笳鼓近石
邊檀板畫船遙愁中病裡多相伴信宿無煩折
簡邀

十五夜次韻

廣寒宮府玉爲輪星掩珠璣漢掩銀靈藥竊來
欣有託化橋滅後不知津病思嵩嶺分餐戶拙
笑西河斫樹人雲外天香定何似好憑月姊問
花神

憂旱二首用韻

赤日烘天踏水輪晚霞還擁月如銀漸看陸地
能行舫不用乘桴更問津煎急却疑然豆釜槁
多錯怨握苗人作霖誰副蒼生望荒政徒勞索
鬼神
滌滌山川日一輪煎砂爍石更流銀誰能馬上
傾瓶水何處山中吸硯津史卜七年應致禱術
言三旱或繇人伐邢得雨知天意只合師興勝
舉神

十六夜次韻

達曙殷勤望已周寒光簾外笑吳牛莫思戰壘

連三輔畢竟天堂比二州清詠絕勝臨汝舫高
情不羨武昌樓樽前酬和聊修玩明月明年總
謬悠

十七夜次韻

微有星河薄暮天燭花初試剪輕烟西樓窗上
光來早右手杯中色較鮮淡月曾無兩日滿一
生能得幾回圓流連底事難拋捨 思聖中秋
盡此年

十八夜待月寄霍庵

莫道虧多更起遲此宵佳景少人知湖波倒景

四邊黑

湖橋

橋洞分光一串奇

石湖

著片點雲

隨隱沒過須臾頃便差池寄聲霍起庵中叟又

負今年看月期

故老相傳二景于中秋十八夜

得見向者霍庵以爲必無故

自題小像

少而習儒早謝場屋老而學稼不事耕犢道罕
金丹禪餘酒肉亦有父母都無親族五十二年
耐事忍辱眉角抽絲面紋鋪縠黃落如秋龍鐘
似竹誰爲此圖肖我幽獨是耶非耶隨人識目
水冷嵩高香殘茗熟石上攤書清風展讀逍遙

齊物永矢弗告

燒夜香

中秋夜香成故事二十餘年風轉熾不論富貴
與貧賤十室之中有一二大家廣庭高沓臺蔬
盤果榼裝崔嵬僧尼雜坐喧梵唄婦女羅拜兼
稚孩蚩蚩愚氓同此意醵錢聚會祈福利橋頭
巷口爭駢闐月落雞鳴渾未睡城東老農數畝
田兩日車水費十千頭焦額爛脚根破苦被熱
開不得眠平明有吏叩門急官司預徵十七年

潮生日

福山奚浦江海一朝潮汐從此出鄉人好事
傳奇觀八月十八潮生日鼓雷噴雪山湧銀倒
河浴日勢莫倫鯨鯢奔騰蛟龍怒翹首瞠目千
萬人疾威上帝降旱災漸看溟渤飛塵埃妖氛
瀰漫天地閉八月潮頭多不來吾家舊有強弩
手錢唐射潮潮却走安得三千壯士挽潮回灌
漑枯田洗賊垢

亢旱多風秋暑日甚有作

秋光九十已平分赫赫炎炎轉似焚長史心情
思點月柴桑松菊愛停雲閑中喜雨憑聾耳枕

上驚雷却聚蚊猶恨終風非少女西來無扇隔
塵氛

蘇子後六十初度

混跡風塵爛熳遊曾依仙侶到瀛洲詩成艷體
香奩似畫出蘇妝粉黛愁於我浮雲從過眼饒
他白雪漸蒙頭佩萸飲菊登高酒家近南山好
獻壽

九月七日季若移酌令叔新閣承光甫兄
面訂九日登高之會至期邀同已蒼夕公
輩山行紀事一首

歲維甲申月在九孫甥湯餅酌喜酒移就光翁
落新閣拉我同往緣老友坐深話長念朋舊雲
泥存歿罕聚首頻年節物歎虛擲來日重陽莫
教負屈指咎遊尚馮大兩家群從及某某良辰
勝會須早集臨別叮嚀不去口老夫如期當踐
約急赴豈待折簡趣竹兜分遣到蓬戶知我老
病怕趨走馮翁健步懶乘坐云恐城市人看醜
徒行自是我輩事脫略兼忘大夫後出城始各
登肩輿迤邐如畫散林阜桃源澗過白善洞泉
之竭矣知早久維摩古寺稍改觀山門移左佛

殿右金粟堂空毀四壁破山肯讓三峰守維摩寺今

屬三峰住持金粟堂則破山僧舊建也也因盡撤窗戶以去僧家我相如此淨名無言

但微哂古木乘風時怒吼山行自北折而西石

頭路滑脚欲溜扶持童僕屢顛躓胸次怦怦似

擊拊息肩暫向吾谷憇夷毯鋪地見希有夷毯海外

外物文采奇麗逡巡茶罷更前去佛日樓中列尊卣霜

遲菜莢未拆房饌盛珍錯雜糝攜壺正逢牧

之笑題餒媿之子京手念茲主人情意殷敢以

小戶辭大斗流連歡賞窮日力莫問出卯與人

酉醉歸無燭趁微月凉颼颼透襟肘風塵滿

眼世事變如此嘉會良不偶浮生五十已非夭

七十為期古稱壽香山居士達生言甘度登高

可必否杜陵吹帽羞短髮貢禹彈冠欣結綬君

馳皇路樹勳伐我老東籬種菊柳政成他日賦

歸來歲歲黃華醉白叟

錫山紀行

終年杜門坐兀兀如面壁尋嘗州里行惴惴類

蠻貊虞山一牛鳴平生幾兩屐避俗亦何意畏

人自成癖云胡不三秋兩度走無錫七月旱蘊

隆毒熱手可炙茲來霜露降菊黃楓漸赤嘔啞

桔槔聲凶歲稻未穫河渠衣帶細洲渚龜兆坼
屢苦泥膠去舟所欣風掛席惠山遠招邀近岬
泊我宅岬有荷蓀翁植杖恣閑適問我何所之
與我話疇昔夏初國事變南北音信隔梁溪稱
孔道行旅幾削迹漕艘銜尾千藩舫排幫百勤
王及徵調兵艦更絡繹轟轟樹旗幟晃晃列劔
戟雞犬竝騷然餘殃到阡陌新朝廣覃恩薄
海起廢謫高檣與大編炤耀金紫客逢迎吏候
津馳驅丞赴驛彼豈不憚煩當官良訶責之子
隱者流形悴意不憚干謁諒非志胡爲事于役

愚谷三徑荒秦園四分析將子好遊乎溪山亦
蕭索已矣行路難歸哉考槃碩聞言汗浹背迴
棹箭視的東風不解事翻向船頭逆望亭望弗
及新安日之夕孤衾聊假寐蓬窗閉皓魄五更
發漕湖喔喔雞叫柵櫓聲鴻鴈來搖搖何慘戚
開船微曙光到家已昏黑此行所得多惠水裝
滿甕烹泉試秋茗清風生兩腋少焉月東上團
圞爛白璧解衣浣塵垢緣手去巾幘三杯策睡
功一笑霜天碧

次韻夕公九月十四夜示孫艾

授衣時節鴈來天蟋蟀聲聲近榻前又是九迴
看夜月真成一霎過殘年失耕空咎歲豐歉縮
足難論到後先經術文章還自勉世間無用是
詩篇

秉燭行

陳翁抱疴自三伏小愈失調成反覆憂心忡忡
亂魂夢恨不襟被就子宿今夕何夕共秉燭幽
吉堂中疊牀褥酌君一盞爲君歡起視庭前舊
花木憶答榴花盛開放紅綃碎剪紛穠緝膽瓶
乞養走鄰舍上樹千迴嗔婢僕皮空蟻穴根半

枯旁抽一條枝葉綠梧桐數株盡凋謝如老人
頭鬢髮禿堦除落子還生桐又見根柯大于竹
樹猶如此人何堪十人知交九鬼錄最憐君家
歧仲弟今年死僅五十六與君同病積歲月病
而不死寧非福知君愛藥緣明醫寒熱溫涼豈
無毒我有一劑治老湯粗茶糲飯隨時服因人
遠遊爲貧計四方靡騁真感感百年逆旅會須
歸六旬已在嚴裝束鷓鴣巢林棲一枝偃鼠飲
河期滿腹縞衣綦巾樂云聊歷齒黃頭有卽足
未須吾谷尋丹楓不用東臯問黃菊西風刮地

寒信來伴我紙窗關竹屋

次韵夕公荒居野菊半開二首

寒花不近紫雲栽獨伴幽人曲水隈耐冷肯隨
時節去含香兼少蝶蜂來囊將短榻便書枕摘
向高堂獻壽杯紫蒂金英霜下傑春叢莫漫笑
遲開

陶家籬畔正斜陽露拆烟含散晚香門遍芳菲
纔到菊掃除頰紫只留黃差堪香艸爲儕偶肯
與芙蓉作輩行聞道美芹猶入獻莫令老圃鎮
摧藏

贈謝先生

烏衣家在燕巢餘幾度春風入敝廬黃閣餘光
分太乙白頭著績老中書瑟琴有恨緣難續婚
嫁無多累已除乞得先生摹宋本人間梨棗欲
成虛

袁氏節孝歌

袁家有母貞苦節六十年間經百折夫亾子幼
家益貧茹蘖餘茶心似鐵袁家有子性至孝傭
書奉母遵母教烏頭綽楔需國恩彤管縑緗揚
母操自從氛侵瀾燕雲淫逆紛紛遍士紳真令

狗彘棄餘食何止巾幗羞婦人千秋風化尙實
事六等罪案猶具文興朝欲作臣子則先表袁
氏節孝門

愚公集卷第四

瘞枯蟻并序

秋日除艸幽吉堂庭中得蟻升許竝稿死一處
事屬剗見理不可解夕公有悲旱蟻說余因命
童子瘞之藥欄而作是詩

庭艸久滋蔓芒刺在眼底況乃及高秋芟夷詎
可已侵晨荷鋤出有物勢地遷小大雜黃白虬
蟬一名蟻好生方避鹽仁者恐踐履斂手戒掃
除諦觀訝稿死惜哉此微蟲不與凡蟲比槐安
舊開國齊軍濟渴水封穴知雨集行磨象天紀

曾壞千丈堤能制鱸與鮪募羶匪云譏兼弱智
足哆云胡罹此厄枕籍死累累意者兗州鬪軍
法失彼已意者鄴下戰旗轍忽披靡橋無編竹
渡竈有沸湯毀問蟻蟻不言展轉費揣揆自從
蝗早來餓殍遍閭里自從疫癘行死亡半桑梓
更有兵燹鄉殺戮甚犬豕人間苦三患蟻穴得
無似阿咸文人筆格物究所以謂是土氣蒸誤
向丘垤徙中途遭旱魃焦灼致不起譬彼離亂
人去此將適彼親朋聯族屬父母及妻子千百
以爲群望門而投止盜賊風雨至性命溝壑委

暴骨高於山周身無片匱古今一南柯人生直
蟻耳吾聞意悲愴物化難坐視呼童理畚鍤瘞
之藥欄趾梧桐風蕭蕭湖石山巒巒詩文庶傳
後猶勝乞銘誄明年春艸長記取慎耘耔

九月晦日光甫新構落成移尊小飲時復
有按察全閩之命兼以勸駕二十韵

軒閣何疎快房櫳絕點塵規模咸創造景致特
奇新徙石寧無叟疏泉或有神埋盆當浩渺嵌
壁卽嶙峋樓迴欣山出墻高厭俗鄰梓桐兼橘
柚梅柳間嵩筠叢菊參差列華燈次第陳流連

宜卜夜裝點作元春晶白懸明月猩紅映錦鱗
枝枝開菡萏點點落星辰炤耀迷逢晦沖融類
飲醇慙非東道主空對北窗人笑語淹晨夕形
骸略主賓盤餐兼味少尊酒舊醅貧敦故情彌
切投閑志未伸國恩瞻獬豸家慶抱麒麟暫許
同三徑行看又八閩甘棠方憶召河內恰留恂
帝重祥刑使時推秉憲臣好膺新命寵莫戀
故鄉尊光甫再守泉州隨晉臬副備兵建南甲申春請告歸里今上御極復有是命

六月瑞芝行爲母舅伯弢翁七十壽

祝融煽焰焚虞城百卉焦灼無滋榮有物忽產

南州庭五色曄曄挺九莖優曇千年時一見芝
艸之出寧無名甘泉涵德漢紀載延香永康次
第稱帝王養老則繁茂高士積善還降靈玄光
親從紫微授鳳腦行看太極昇山中有入乘車
馬肥潤似手堪炊烹人間七十誇希齡服食仙
艸多長生及門衰老慙愚甥酌酒相慶持瓶罌
長謠聊比採芝曲祝翁壽併商山英

次韻夕公同兒輩過引勝堂觀早菊晚桂

戲簡季若

風光已逼小春天聞道過從引勝筵籬下餐英

思曩日月中斫桂羨韶年迂疎久似銜冰鶴衰
病今如吸露蟬未是冰清慙玉潤白頭闌入自
無緣

汪慎爲過寫小像有贈

江潭澤畔記前身野服黃冠意自真飯顆山頭
苦吟叟灞橋驢背聳肩人丰標月帶寒嵩老髡
髮霜隨野鶴新可惜丹青曹霸手凌烟何處畫
功臣

十月九日與君鴻弟夜話

秋冬違別動經時相見如何有許悲舊事風前

搖落樹新聞燭下劫殘棊豫章材大成難早蓬
島花奇子較遲寒月在天杯在手不開口笑是
真癡

冬日次兒過陳氏墳堂哭亡姊有作次其韻

無子無年未葬身生輕如葉死如塵一棺丙舍
終其餒六載宜家似食貧寒月射窗山鬼泣西
風號木夜蛩呻劇憐原隰相求意贏得衰殘淚
滿巾

客有過述南中事者次第其語率爾成篇

連朝有客歸金陵風聞近事過柴荆額手且頌
天子明將相取次調和羹四鎮持重尚擁兵歲
餉會計將取盈橫金拖玉皆公卿易名延世榮
死生往來熙攘聚商賈行李負擔煩編氓秦淮
花柳醉畫舫舊院絲竹歌新聲逍遙有人中軍
好暮夜無禁官曹清大夫左右紛薦牘青衿白
丁競策名鹿鳴呦呦半甲冑兔且肅肅饒干城
立賢無方王者事爛羊續狗莫誤評司空將作
正仰屋廣開事例羅俊英禁林中舍及丞簿按
級定價分重輕積分食餼笑往咎老儒白首徒

窮經只今一紙取庫吏已勝三策對大廷納粟
拜爵古所有探囊取貴人盡爭微官敢擬畫麟
閣頭銜或可書銘旌又傳闖逆近授首無乃天
意從人情
雖強今議款天下自此望太平
老夫聞之向西笑身欲奮飛病未能年饑歲晚
且墮戶賣劔買牛圖春耕

冬煖

十月十五日作

煖爐舊會已成空浪說玄冥五信風秋筭乍開
晴景外春衫輕試月明中林逋山畔先催白宋
玉墻邊探俗紅生意滿前時候改一株黃落歎

衰桐

下邳侯

下邳侯攻貨殖始于皮聲于革金鎖出水盤
石以刃斷之得數尺西河猗氏速富術十年子
息計萬億有角何曾掛漢書墻頭八字曾不識
既不能隨田單火攻破燕將又不能似武侯木
運輸兵食未堪太廟陳爲牲只合王家賭作炙
一條索子鼻中穿三尺童兒盡著鞭只爲相公
曾問喘牽來便欲蹊人田孔雀飲泉逢舐觸金
花翠尾寧辭辱庖丁未試任強梁堂下過時應

敲酥貞元舊事聞不聞海鹽黑犢生比隣白毛
脇下鋪成字明寫前身是戴文下邳侯老而熬
夷甫目光在汝背風不相及海南北甯戚作歌
寄感慨

十月廿一夜內弟齋中觀劇與令叔五翁
聯席話舊

隔墻隣比復姻聯每憶同車擲果年老愧東牀
長遜世才高南國竟登賢愁中歲月看鬚髯別
後心期間管絃醜酒適來諸舅速廿年情話一
燈前

爲豈庵賦硯歌兼示令子棠

君不見魏武當時銅雀臺遺瓦猶堪作硯材湘
州陶甄競彷彿西陵歌舞安在哉又不見沈泥
古硯出驪山好事採自臨潼間含泉經火閱世
代弔秦有淚徒潛潛豈庵居士吾老友一硯傳
家歲月久愛硯用以名其齋係硯乞詩嘗在口
鸚鵡活眼金線紋端溪北巖舊譜聞青州紅絲
洮州綠鳳唼龍尾俱後塵黃琮白琥天所錫以
金爲聲玉爲德自同賢者教一經却笑貪夫懷
尺璧戈氏世德厥後昌此硯將以遺子棠棠乎

勉旃慎勿忘好試毛穎磨玄光詩裁鮑謝書鍾
王豈若八股成篇章只今韜韞埋螢窗他日貢
之白玉堂殿前作賦聲琅琅斐然文采動帝王
不負錦裯玉匣什襲藏縱有秦泥鄴瓦何堪搗
練還支床

送霍庵赴蕭山令之約兼訪梅臣工部於
北關

柳謝楓凋菊亦殘憐君行色又蕭山因人爲客
難辭老逼歲離家莫笑閑鬢序清風山作縣蕭山
舊署虞教冬曹公事水爲關湖波早淺江天冷早東

琴書跨鶴還

過頤志堂看卞潤甫畫山水大幅因晤勅
先兼懷兆登新城

幾年遊跡隔塵沙清夢時時過陸家彭澤未荒
三徑柳河陽初試一城花漁磯坐曠池光減山
檻搖晴畫色加大有父風看令子茗甌留客話
烟霞

次韻夕公東塔寺訪源公讀新詩因同至
荒齋過午

亂離時世老羸年逢掖方袍兩自憐豎拂拈篋

非祖意寒郊瘦鳥是詩禪匡山社許陶公入慧
業文應謝客前竹院清談茅屋飯等閑不作俗
人緣

偶簡敝篋忽得亡友魏叔子辛未冬偕已
蒼子長醉中復過懷古堂夜飲一律紙墨
如新而吾友已不可作矣輒成追和二首
用遣悲懷

當年良會等尋嘗不道風花一夕狂四友痛君
亡獨早三人嫌我命空長應劉伴少虛吟社稽
阮誰同老醉鄉反覆遺踪無限淚不堪隣笛又

殘陽

白詩人生莫苦羨長
命命長感舊多悲辛

臘醅春酒以時嘗只作悲辛不作狂生趣漸隨
燈檠短淚痕遙傍漏聲長黃金賦就歌蒿里白
玉樓成哭帝鄉料得故人能念舊旅魂還為下
巫陽

餘悲不盡再和二章

止酒淵明懶獨嘗謫仙歿後少詩狂無心繫日
從繩短有緒牽愁逐線長時將冬至宿州墓深黃葉
路蓬山人杳白雲鄉九原曾否知時節五度葭
灰動一陽叔子庚辰歲
卒于京邸

世味酸辛飽得嘗靈均獨醒次公狂華筵散去
人同盡錦段殘來幅不長羸馬十年三落第薄
棺七尺一還鄉丹枝斫却埋黃土無復春回更
向陽

偶同已蒼子長醉中復過懷古堂夜飲
已蒼擬倡詩酒之遊效唐人文會因卽
以詩識其語云

魏冲

乘酒相過索酒嘗長年重發少年狂無聊遣
日冬陰短有味論交舊話長唱和欲興風雅
會登臨時逐水雲鄉莫教此約成空約今夕

先拈韻七陽

河豚異 十一月十五日

寒洲未茁蘆荻叢枯楊無花長條風河豚今年
來較早時十一月方仲冬南人慣食少所怪取
鮮便擬高堂供割烹暫付庖廚手剖而視之中
空空腹腴浪說西施乳兼亦無子分雌雄庖人
相顧驚異類云此大毒眼未逢但聞七箸下喉
吻行見干鏝剗心胸提攜乞換走市肆點簡十
數約略同朝來紛紛競買去幾人誤食喪厥躬
幸免口腹保性命家人拍手賀阿翁君不見吳

生冤辟求自斃鯨鯪生食代藥攻數四反令顏
色好會赦壽考八十終又不見近日慈谿大小
馮渴飲汲水古井中兄朝亡兮弟夕死水毒却
比魚毒凶人生生死死各有數一飲一啄繇蒼穹
休將本艸讀莫用金丹功春初早韭秋晚菘逢
著便喫裴晉公河豚毒人人易曉五穀毒人猶
夢夢記得前年粥廠賑饑千萬戶飽吞數椀立
地埋蒿蓬

次韻夕公偶葺斗室自題一首

愁歌黃鳥去他邦葺得山齋白版雙文陣開時

看壁壘騷壇高處見
麾幢池冰硯泮春風檻
花炬缸銷夜雪窗倚馬
裁詩誰敵手幾回吾欲倒
戈降

雨意

半年期望此宵降
洗盞挑燈聽夜淙
乍喜出雲風滿閣
翻驚離畢月臨窗
如絲又惜機中斷
似淚難成點下雙
萬井汲深愁綆短
可能升斗待西江

孝若婿新葺樓居志喜

崑崙十二祗空聞
百尺元龍迥出群
繡榻合翔

鸞鳳羽綺窗長繞
玉蘭芬章樓世遠
埋殘日鈴

閣官高鎖絳雲年
少科名家鼎盛幾
人燕賞得

如君景泰年間吾邑章氏有兄弟同時鼎貴者

亦與孫居相望

辛未冬宵之集余亦有詩一章近辱子長

并和輒復次韻訓答

風雅盟寒隔死生
白頭空愧學詩名
曲無同調難孤唱
琴遇知音始一鳴
此去乾坤看跼躄
向來花月浪昇平
瀟瀟風雨迢迢夜
一樣追傷兩處情

冬至連日小雨作寒遣興二首

烟拖風剪凍雲天
浙瀝聲聲漏滴連
繡閣易昏
虛弱線老人禁夜
抵經年黃摧嫩蠟
梅拋樹綠
潤新苗麥出田
安得滂沱通四澤
桃花春水杜陵船

風雨連宵作

佐

九天乍寒衣著更裝綿
休嫌炙

背迷晴檻却要微漣動
井泉鬕雪自隨冰鏡落
心灰不向火爐然
醉鄉地煖長宜秬稂
莠驕驕
任甫田

歲暮雜詩六首

今日臘月朔檢曆歲已邁
去去赴壑蛇滔滔東逝流
高天雲掩冉小閣風颼颼
雨脚紛如麻吹我蒙戎裘
念茲衰頽齡生事殊悠悠
一區方漂搖二頃無良疇
馬牛累不息烏鳥恩靡酬
擔雪漫填井雪消井水浮
剝肉休補瘡剝多瘡痕稠
妻孥嗔我拙交謫聲啁啾
僮僕恥我窮攜手行掉頭
親朋見我愁啞啞一笑休
鄉里聞我言囂囂衆楚咻
撫心徒自傷啓口還自羞
逝將委時命古今同一丘

貧賤人所惡富貴人所欲我亦猶人情胡爲守
窮獨在天如可求執鞭寧恥辱但苦多病身形
骸同槁木兼之倔强性投老未全伏屈指計百
年爲日三萬六今我五十二餘半已不足世無
百歲人耆老等信宿老馬反爲駒勢必至顛覆
所以名利心都向高閣束

三

丹山有異鳥一母將四雛同穴同乳哺兩兩相
嬉娛歲月羽翮成翻飛遂分途一爲高岡鳳鏘
鳴朝陽梧岐山曾舞周簫韶來儀虞德輝有道

見所至瞻靈符一爲炎方雀粲粲服絳朱雖非
千仞翔要亦鳳之徒自餘兩凡鳥一似大觜鳥
枳棘飽羶腥繒繳幾中膚其一名山雞指鳳良
已誣千金遭賈販經宿死路隅路隅白髮翁佇
立三歎吁不羨鳳鳥瑞不惜山雞徂所悲氣類
同相去天淵殊貧富與貴賤壽夭及賢愚芸芸
萬族中何止一鳥乎莫作齊物論造物多偏枯

四

老眼如蒙紗讀書苦難竟愁腸如紛絲飲酒亦
易罄陶琴素無絃周曲誤莫聽旣迴嗣宗車已

盡子猷興惟餘五字詩稍稍辨聲病句偶類浣
花體或擬長慶自然近中晚非敢薄初盛才趣
別有得理學漫紛競強倣西子顰翻覺無鹽倩
空空吾何知聊用寫情性

五

蛟龍過雲中風雨正哮吼溝泥蚯蚓出作禮輒
舉首猛虎鬪深山號闕震林藪狸奴藏鼠穴思
欲爲分割卑小誠苦心高遠亦何有長安一局
碁翻覆無停手安必今日是明日不謂否運籌
兩心知最忌傍觀口寄語局外人何如飲美酒

六

吾友長樂氏意氣多激昂感時爲身謀區畫陳
三方首欲事干謁策足功名場雖非請纓童猶
勝白首唐不假官爵微焉吐胸中藏次言昆湖
南湖水清滄浪匠心造小舫書畫安輕裝綠蓑
青箬笠因風自搖颺又云天台山地僻田豐穰
可耕亦可隱山僧告我詳逝將去家室終老仙
人鄉聞君話覩縷使我神飛揚攜手願同行行
行重迴翔迴翔意云何與君更酌量冠蓋豈不
榮朝不舉賢良有才如賈董有舌如蘇張不登

進士科委棄同秕糠新恩大闢門白壁黃金雙
落落書萬言未抵錢一囊肯將伏櫪志浪逐驚
駘行浮家亦云樂前路殊茫茫風波霎時起捩
柁還摧檣將伯求助予招招誰涉邛越山幽且
深信美非此邦薜荔裁我衣藜藿充我腸妻孥
隔千里日夕遙相望寒暑念疾病亂離憂死喪
一二老友朋邈若參與商欲見會面難欲往道
里長空銷江淹魂寧免王粲傷不如息心志安
分守故嘗布衣粗糲飯饑食渴飲湯春秋剪菘
韭伏臘羅酒漿琴書在我側兒女在我傍東城

南陌間還往隨閑忙商略舊書卷酬和新篇章
溪山花月佳著屐相扶將晦冥風雨時闔戶眠
匡床不洒岐路泣不羈利名韉亦莫問世亂亦
莫愁年荒騰騰復兀兀夢夢絲蒼蒼與君同癸
巳我衰君尚強各以七十期猶餘十八霜且作
明年計新曆開弘光

臘月四日與已
蒼談出處事作

歲暮書齋卽事次夕公韻六首

揮戈無力駐殘冬有客孤吟百事慵硯水破堅
餘滴瀝筆花開凍任蓬茸文心老愧殘江錦詩
律人多好葉龍卒歲優游差自遣臘醅缸面漸

溶溶

深深簾幙掩書齋
徙倚閑庭撥悶懷
梅摘蠟花簪珀鈿
冰摧霜樹卸瓊釵
魚枯漫汲江中水
桐老終爲爨下柴
最是小鬟閑得甚
忍寒呵手學菟牌

感栗風高北榭關
卷中丘壑畫中山
衰顏向日薰如醉
弱足凌寒凍欲頑
翻覆炎涼隨歲改
凋零花木逐年刪
黃麻紫誥非吾志
十賚新同處士頒

小葺樓居抵燕巢
不愁風怒卷重茅
梅含椒萼

紅將綻蕉護霜萎
綠預包坐久漸看
爐焰伏研多微覺
墨池坳幸無奇字
連投閣寂莫吾知
免客嘲

沍寒天氣病侵凌
爐火融和藥椀冰
耳重不知牛是蟻
眼昏長怯字如蠅
塵心淨盡猶餘肉
華髮蕭騷已近僧
歲月逼除身漸老
欲參名岳竟何曾

永夜行吟伴老蟾
有時索笑一巡簷
已看孤影同梅瘦
真覺香醪類蜜甜
耐冷豈須人作障
却寒何處鳥爲簾
前程似漆君平少
愕夢連宵不

用占

次韵追和夕公丁丑夏爲余悼亡妾三首
白盡安仁鏡裏絲開編長廢小星詩十年憔悴
攜衾夜六月彌留掩袂時燭號還形成浪語艸
名懷夢是虛辭一般天折人間有金屋蓬門自
等差

雙眸瞋瞋淚絲絲剪燭臨風和舊詩樓上珠沈
圓底日洲邊環絕續何時穿墳有伴添殤子礧
石無文缺銘辭剩取侍兒憐舊在霧鬟雲鬢幾
爭差

鈎掛情腸藕胷絲幾回閣筆嬾裁詩雨傾那有
歸雲日花落應無返樹時致魄浪傳方士術招
魂空費楚人辭綿綿長恨經長夜寒月沉西桂
影差

爲耐翁悼亡三首

龍惕

香閨長恨命如絲應向三鄉和小詩蓮萼離
披經雨後梨花狼籍委風時休逢老柳重題
句倘見微波定寄辭應憶畫堂銀燭畔玉卮
素腕兩參差

玉貌青衫鬢有絲瓊枝銷瘦詠愁詩生憐通

德淒涼夜死恨朝雲寂寞時
釵燕擘分空寄誓鏡鸞飛斷
枉微辭休言淚盡思量盡東海
傾乾也不差

花前風雨葬楊枝淚落清秋
一首詩玉簫小寒孤枕夜朱樓
初日杏梁時寫真可待兼留
笑累德誰能不費辭一種傷心
舊簾幙雙飛歸燕正差差

用韻慰孫係

缺卽仍圓滿必虧如環天道漫
深悲白頭念我猶將母弱冠
憐伊早得兒須遣藥消微病
候莫

教愁與少年期家風清白詩書
在世事浮雲未可知

甲申除夜

看到崇禎曆日窮三春愕夢一
宵空公然節物干戈外多幸團
樂里舍中爆竹又催新歲月桃
符不換舊門風蕭蕭夜色涼如
水慚愧燒盆烈焰紅

編集拙詩成因題卷末

新舊詩排十卷成燈前自詠自
爲評終篇絕喜無酬應一字難
教不性情虞麓敢方廬嶺秀琴

川爭比浣溪清子雲千載知誰是空與時人覆
酒罌

愚公集卷第四 終

歲在乙酉仲春月
毛氏汲古閣鏤版

余髫時侍家君讀書頤志之堂憶家君手一札
呼典示之曰書法絕佳汝諦觀之則耐翁先生
筆也因言先生事母孝工詩且善病喜度曲嘗
篆輕薄好弦歌之句以贈然志恒落落不苟合
余時雖幼未嘗不企慕之數年以來家君薄遊
二京間歸先生必過存及在浙復一過艸堂道
故賦詩有幾年遊跡隔塵沙之什時余與先生
兩郎君求赤願仲爲文字交每登其堂見雍雍
孝友世及有古人遺風不特讀書好古已也乙
酉秋願仲以避兵感疾沒於邨舍先生亦以悲

憂鬱處發憤而卒距願仲沒僅朞耳求赤熒熒
獨立形影相弔上痛二人下悲令弟夫復何堪
今年春出先生詩集若干卷命余爲序余惟先
生之詩詳於二馮諸君之序言矣余復何能贅
一詞且余言亦烏足爲先生重哉顧讀是集不
能不悲先生之志及願仲之蚤夭而嘉求赤之
善承遺緒也昔人云通家修好幼獲省謁故得
論次篇簡余何敢云然感存悼歿聊因求赤之
屬也爲叙今昔於簡末云爾丁亥仲春通家子
陸貽典謹述

